

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
Stručna služba za zajedničke poslove

Broj: 17-14-3749-11
Sarajevo; 26-02-2016 godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), a u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst) i preporuke Komisije za ustupanje usluga u postupku javne nabavke za "Ustupanje usluga kontrole, tekućeg održavanja i održavanja u funkciji video nadzora u objektima Kantona Sarajevo u toku 2016. godine" - (Zapisnik o pregledu i ocjeni ponuda broj: 17-14-3749-10 od 23.2.2016. godine, načelnik Stručne službe za zajedničke poslove Kantona Sarajevo, d o n o s i:

ODLUKU
o izboru najpovoljnijeg ponuđača

Član 1.

Prihvata se Preporuka Komisije za ustupanje usluga u postupku javne nabavke za "Ustupanje usluga kontrole, tekućeg održavanja i održavanja u funkciji video nadzora u objektima Kantona Sarajevo u toku 2016. godine " i dodjeljuje se prvoplasiranom ponuđaču „UNILAB” d.o.o. Sarajevo, prema dostavljenoj ponudi broj: HŠ-161/16 od 22.2.2016. godine u ukupnoj vrijednosti od 1.404,00 KM (sa PDV-om).

Član 2.

Prijedlog ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač je dužan dostaviti dokaze o kvalificiranosti po članu 45. i originalne dokaze po članu 47. Zakona o javnim nabavkama u roku od 5 (pet) dana nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom. U slučaju da izabrani ponuđač propusti da dostavi originalne dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

Član 3.

Ova odluka objavit će se na web stranici ugovornog organa, [www:http://www.sszip.ks.gov.ba](http://www.sszip.ks.gov.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 17-14-3749 od 10.2.2016. godine – "Ustupanje usluga kontrole, tekućeg održavanja i održavanja u funkciji video nadzora u objektima Kantona Sarajevo u toku 2016. godine". Javna nabavka je provedena putem postupka: Konkurentski zahtjev za dostavu ponuda.

Procijenjena vrijednost javne nabavke bez PDV-a iznosi 2.000,00 KM. Za predmetnu nabavku objavljeno je dodatno obavještenje o nabavci na portalu javnih nabavki pod brojem 1230-7-2-10-314/16 od 10.02.2016. godine u 15:49 h.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka konkurentskog zahtjeva sa dodatnom objavom obavještenja na portalu javnih nabavki, Komisija je dostavila pozive sljedećim ponuđačima : 1. "SWORD SECURITY" d.o.o. Sarajevo; 2. "UNILAB" d.o.o. Sarajevo; 3. AGENCIJA "GAMA AA" d.o.o. Sarajevo; 4. AGENCIJA "NOVA GAMA" d.o.o. Sarajevo. Rok za dostavu ponuda bio je 22.2.2016. godine do 14,00 h. Za navedenu javnu nabavku u predviđenom roku i uredno zatvorenim kovertama, dostavljene su ponude od sljedećih ponuđača:

1. "UNILAB" d.o.o. Sarajevo
2. "SWORD SECURITY" d.o.o. Sarajevo
3. AGENCIJA "MIDDLE POINT EL" d.o.o. Sarajevo
4. AGENCIJA "GAMA AA" d.o.o. Sarajevo

U skladu sa Odlukom o pokretanju postupka, Komisija za ustupanje usluga formirana Odlukom broj: 17-05-27809 od 18.10.2015. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu. Zapisnik o pregledu i ocjeni ponuda broj: 17-14-3749-10 od 23.2.2016. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda četiri (4)
- da je blagovremeno zaprimljeno ukupno četiri (4) ponude
- da nema neblagovremeno zaprimljenih ponuda
- da ponude ponuđača "UNILAB" d.o.o. Sarajevo, "SWORD SECURITY" d.o.o. Sarajevo, AGENCIJA "MIDDLE POINT EL" d.o.o. Sarajevo, AGENCIJA "GAMA AA" d.o.o. Sarajevo, ispunjavaju formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke "Ustupanje usluga kontrole, tekućeg održavanja i održavanja u funkciji video nadzora u objektima Kantona Sarajevo u toku 2016. godine" kako slijedi:

1. "UNILAB" d.o.o. Sarajevo	100,00 bodova
2. "SWORD SECURITY" d.o.o. Sarajevo	88,33 boda
2. AGENCIJA "MIDDLE POINT EL" d.o.o. Sarajevo	88,33 boda
3. AGENCIJA "GAMA AA" d.o.o. Sarajevo	68,89 bodova

U skladu sa kriterijumom "ekonomski najpovoljnija ponuda" sa potkriterijima: cijena 70%, rok realizacije usluge 20% i način plaćanja 10%, **ugovor se dodjeljuje prvorangiranom ponuđaču "UNILAB" d.o.o. iz Sarajeva** u ukupnoj vrijednosti nabavke od 1.200,00 KM (bez PDV-a), a cijena sa PDV-om iznosi 1.404,00 KM, rok realizacije usluge je 1 (jedan) h i način plaćanja 120 dana. Za predmetnu nabavku će se zaključiti ugovor.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



NAČELNIK
Fikret Jašarević
Fikret Jašarević

Prilog:

1. - Zapisnik o pregledu i ocjeni ponuda broj: 17-14-3749-10 od 23.2.2016.godine

Dostaviti:

1. Svim učesnicima u postupku
2. Stručnoj službi za zajedničke poslove
3. a/a